

廿二史考異

五代史四

廿二史攷異六十四

錢大昕學

盧文進傳

莊宗以屬其弟存矩 按唐家人傳無存矩名

天福元年冬殺其行軍司馬馮知兆副使杜重貴送款
於李昇 本紀在二年正月

王周傳

漢高祖入立徒鎮武寧 按舊史漢天福十二年加周

同平章事

高行周傳

出帝時代景延廣爲侍衛親軍都指揮使 按舊史晉
少帝紀天福八年十二月詔行周赴關開運元年正
月爲北面行營都部署四月爲侍衛親軍都指揮使
二年移鎮鄆州侍衛如故三年六月復爲宋州節度
使史失書赴關充都部署及移鎮天平事

是時李彥韜馮玉等用事乃求歸鎮 按通鑑開運三
年契丹南侵以歸德節度使高行周爲北面都部署
武寧節度使符彥卿副之共戍澶州德光入京師行
周彥卿皆詣契丹牙帳降明年東方羣盜大起陷宋
毫密三州契丹主亟遣符彥卿等歸鎮則行周之歸

鎮當亦在此時本傳諱而不書難以言直筆矣

漢高祖入京師加行周守中書令 按舊史晉少帝紀
天福七年西都留守襄州行營都部署高行周加兼
侍中則行周之爲使相已久矣

徙鎮天平封臨清王 按舊史本紀天福十二年七月
以宋州節度使檢校太師兼中書令高行周爲鄴都
留守加守太傅閏月杜重威據鄴都叛詔以行周爲
行營都部署率兵進討十一月重威出降加行周守
太尉封臨清王乾祐元年進封鄴王二年加守太師
三年三月自鎮來朝乃移鎮鄆州歐史於此傳旣失

書徙鎮天雄及討杜重威事又不載鄴王之封又書徙天平於封臨清王之前疏漏亦已甚矣

追封秦王 五代會要諡武懿

安叔千傳

拜昭武軍節度使 昭武當作振武

歷靜難橫海安國建雄四鎮 按上文云唐明宗時下

文云晉出帝時則似所歷四鎮皆在後唐之世矣攷

舊史晉高祖天福四年以前邠州節度使安叔千爲

滄州節度使七年爲邢州節度使少帝開運元年以

邢州節度使安叔千爲晉州節度使加同平章事然

則叔千任靜難

邪

橫海

滄安國

邪

三鎮實在晉高祖

朝其鎮建雄

晉

則在出帝朝至開運二年八月乃罷

鎮爲金吾衛上將軍耳傳所書殊未核也舊史叔千傳云晉祖踐祚就加同平章事據本紀則加平章事乃在少帝時五代會要晉高祖少帝漢高祖三朝使相皆有叔千名蓋據舊傳恐當以本紀爲正

馮暉傳

徙鎮靈武

代張希崇

皇甫暉傳

以衛將軍居京師

唐以後不置衛將軍官暉所授蓋

攷異

五代史四

三

金吾屯衛之類史有關文耳

常思傳

徙鎮昭義 按舊史漢乾祐元年潞州節度使常思加
同平章事周廣順元年加兼侍中

孫方諫傳

孫方諫 本名方簡避周廟諱改諫字

鄭州清苑人也 鄭當作鄭

漢高祖嘉之卽拜方諫義武軍節度使 按舊史漢乾

祐二年十月加方諫同平章事周廣順元年正月加
兼侍中八月移鎮華州顯德元年七月爲同州節度

使加兼中書令八月卒

王峻傳

太祖入立拜峻右僕射同中書門下平章事 此真宰相也例當書於本紀失書

折從阮傳

徙鎮武勝 按舊史周廣順元年鄧州折從阮加同平章事武勝鄧州軍額也

周太祖入立從阮歷徙宣義保義靜難三鎮 宣義當作義成滑州軍額也梁時避諱改爲宣義後唐仍復舊名晉漢周皆因之從阮周之藩鎮不當用宣義之

號

朱守殷傳

守殷尤不自安乃殺都指揮使馬彥超開城反 按下
文又云守殷之將反也召都指揮使馬彥超與計事
彥超不從守殷殺之前後重出

董璋傳

少與高季興孔循俱爲汴州富人李讓家僮梁太祖鎮
宣武養讓爲子是爲朱友讓其僮奴以友讓故皆得
事梁太祖 此事又見南平世家及孔循傳

使者還多言璋欲反狀重誨患之乃稍擇將吏爲兩川

刺史以精兵爲其牙衛分布其諸州又分閩州置保
寧軍以仁矩爲節度使遣姚洪將兵千人從仁矩戍
閩州 此事又見安重誨及李仁矩傳

知祥遣人告璋欲與俱謝過自歸璋曰唐不殺孟公家
族於西川恩厚矣我子孫何在何謝之有璋由此疑
知祥賣已 此事又見後蜀世家

范延光傳

末帝復召延光爲樞密使 五代史稱潞王爲廢帝惟
此卷稱末帝於延光及楊光遠傳兩見之蓋沿舊史
之文而未刊正也五代會要稱梁均王爲少帝唐潞

王爲末帝晉出帝爲少帝宋史禮志亦稱梁少帝後
唐末帝而范質羅彥瓌符彥卿侯益張從恩王景揚
承信藥元福李穀竇貞固邊歸範竇儀傳皆稱晉少
帝李洪信傳又稱唐愍帝爲少帝李洪信郭進傳稱
漢隱帝爲少帝皆紀載異詞

以太子太師致仕 按舊史長興二年九月加樞密使
范延光同平章事四年九月加兼侍中清泰二年加
兼中書令史皆失書

安從進傳

高祖爲之幸鄴鄭王重貴留守京師宰相和凝曰陛下

且北從進必反何以制之高祖曰卿意柰何凝曰臣聞兵法先人者奪人願爲空名宣敕十數通授鄭王有急則命將以往此事又見和凝傳

授李建崇郭金海等 晉本紀作郭海金

降襄陽爲防禦 此事職方攷失書

楊光遠傳

封東平王 按薛史天福二年四月加兼侍中三年四月加兼中書令

杜重威傳

高祖卽帝位封石氏爲公主 通鑑重威尚帝妹樂平

長公主進封宋國長公主

引兵攻秦州破滿城遂城 秦當作泰字之譌也五代
會要後唐天祐三年升奉化軍爲秦州以清苑縣爲
理所晉開運二年移就滿城縣周廣順二年廢州歐
史職方攷失載此州而杜重威李守貞張彥澤諸傳
竝譌秦爲秦莫能正矣

李守貞傳

與重威等攻下秦州破滿城 秦當作泰

張彥澤傳

敗契丹於秦州 秦當作泰

德光渡河帝欲郊迎彥澤不聽遣白德光德光報曰天
無二日豈有兩天子相見於道路邪 此語又見契
丹附錄

王景崇傳

永興趙贊 本名匡贊延壽之子也避宋諱去上一字
慕容彥超傳

漢高祖同產弟也 異姓而稱同產當是同母異父弟
漢家人傳不書漢祖父母事

而彥超徙鎮秦寧 按通鑑高行周以彥超在澶州固
辭鄴都乃徙彥超爲天平節度使加同平章事至乾

祐三年三月乃徙彥超秦寧而以行周徙天平

薛史所載

亦史脫去徙鎮天平一節其在鄆州加兼侍中周太祖卽位加中書令史皆失書

是歲鎮星犯角亢 此廣順元年也司天攷不載此事
馮道傳

道相明宗十餘年 按明宗在位纔八年道以天成二

年拜相相明宗止七年耳而傳云十餘年非其實矣

其擊旻也鄙道不以從行以爲太祖山陵使 按道爲

首相依故事當爲山陵使且據本紀山陵使之命在

二月丁卯而世宗親征乃於三月乙酉啟行則非因

道之進諫而有是命也歐公惡道而甚其辭耳儒者好以成敗論人若以當日時勢論之則新造之邦人情未固加以大喪未葬千里出師一有敗衄國亦隨之親征固危事也此與宋澶淵之役時執迴殊道言雖不驗究爲老成練事之言不可以人廢之

李琪傳

乃得罷爲太子少保 按梁本紀琪以貞明六年四月拜相無罷相事蓋紀之漏也

樞密使安重誨專權用事重誨前駟過御史臺門殿直馬延謨衝之重誨卽臺門斬延而後奏 此事已見

重誨傳

乃刻牙板爲金字曰前鄉貢進士李琪 此稱前鄉貢
進士而不稱前進士則是舉而未第者也唐人之重
鄉舉如此

劉昫傳

長興三年拜中書侍郎兼刑部尚書同中書門下平章
事 唐本紀在四年

先是馮道與昫爲姻家而同爲相道罷李愚代之愚素
惡道爲人凡事有稽失者必指以誚昫曰此公親家
翁所爲也昫性少容恕而愚特剛介遂相詆詬 此

事已見李愚傳而此較詳道與愚昫三人拜相皆在明宗朝廢帝清泰元年五月道先罷其十月愚昫二人亦罷今愚傳云道出鎮同州以劉昫爲相此傳又云道罷李愚代之旣已互相矛盾證之本紀則兩人爲相已久非道罷而始入相此疎舛之甚者

明宗崩太常卿崔居儉以故事當爲禮儀使居儉辭以祖諱螽馮道改居儉祕書監此事亦見居儉傳子謂居儉祇有此一事不足別立傳

開運中拜司空同中書門下平章事按晉本紀昫拜相在開運元年當云開運初其罷相在契丹主入汴

之後契丹主所命故晉本紀不見其罷也五代會要
開運二年六月史館上新修前朝李氏書紀志列傳
共二百二十卷并目錄一卷賜監修宰臣刻削修史
官張昭遠直館王申等繕絲銀器各有差歐史於賈
緯傳載其與修唐書昫以宰相監修而本傳略不一
見何也

馬允孫傳

清泰廢帝年號也 年號人所共知此語可省

崔悅傳

八年高祖詔太常復文武二舞 據本紀及五代會要

乃天福五年事此云八年者誤也

吳氏纂異亦及之今据會要斷以稅

傳爲誤

趙瑩傳

華州華陰縣人也 縣字行

李崧傳

初漢高祖在晉掌親軍爲侍衛都指揮使與杜重威同制加平章事漢高祖恥之怒不肯謝晉高祖遣和凝論之乃謝 此事已見漢本紀

賈緯傳

唐自武宗已後無實錄史官之職廢緯采次傳聞爲唐

攷異

五代史四

十

年補錄六十五卷 按舊唐書諸帝紀皆詳贍可據
至懿宗以後踈舛脫漏由於無實錄也五代會要載
長興二年十一月四日史館奏當館昨爲大中已來
迄於天祐四朝實錄尚未纂修尋具奏聞謹行購募
救命雖頒於數月圖書未貢於一編蓋以北土州城
久罹兵火遂成滅絕難可訪求伏念江表列藩湖南
奧壤至於閩越方屬勳賢戈鋌自擾於中原屏翰悉
全於外府固多奇士富有羣書其兩浙福建湖廣伏
乞特降詔旨委各於本道採訪宣宗懿宗僖宗昭宗
以上四朝野史及逐朝日歷除日銀臺事宜內外制

詞百司沿革簿籍不限卷數據有者抄錄進上若民間收得或隱士撰成卽令各列姓名請議爵賞從之以是知唐末文獻無徵已非一日非關史臣見聞之陋也

與修唐書 按五代會要天福六年二月敕戶部侍郎張昭起居郎賈緯祕書少監趙熙吏部郎中鄭受益左司員外郎李爲先等修撰唐史仍令宰臣趙瑩監修其年四月緯丁憂以呂琦爲戶部侍郎尹拙爲戶部員外郎令與張昭等同修唐史

漢隱帝時詔與王仲寶儼等同修晉高祖出帝漢高祖

實錄 五代會要乾祐二年二月敕左諫議大夫史館修撰賈緯左拾遺直史館王伸宜令同修高祖實錄仍令宰臣蘇逢吉監修其年十月修成實錄二十卷上之其年十二月敕宜令監修國史蘇逢吉與史館賈緯并竇儼王伸等修晉朝實錄呈進周廣順元年七月史館新修晉高祖實錄三十卷少帝實錄二十卷上之然則漢祖實錄成於漢朝惟晉二主實錄成於廣順初傳似混而一之

廣順元年實錄成 廣順上當有周字

王仁裕傳

顯德三年卒 顯德上當有周字

仁裕門生王溥凝門生范質皆至宰相 按和凝知貢
舉選范質事已見本傳何煩屢見邪

趙延義傳

太祖召延義問漢祚短促者天數邪延義言王者撫天
下當以仁恩德澤而漢法深酷刑罰枉濫天下稱冤
此其所以亡也是時太祖方以兵圍蘇逢吉劉錡第
欲誅其族聞延義言悚然因貸其族二家獲全 按
宋史方技傳周祖舉兵入汴訪求王處訥得之問以
劉氏祚短事對曰人君未得位嘗務寬大既得位卽

五里
思復讎劉氏據中土承正統以歷數推之其大祀猶
永第以高祖得位之後多報讎殺人及夷人之族結
怨天下所以運祚不長周祖蹶然太息適發兵圍漢
大臣蘇逢吉劉銖等家待旦將行孛戮遽命止之逢
吉已自殺止誅劉銖餘悉全活此卽一事而傳聞異
詞或以爲延義或以爲處訥耳宋史載處訥語尤中
當日情事通鑑攷異亦以爲處訥

五代史五

廿二史攷異六十五

錢大昕學

司天攷一

在乎知天之變者也

天下當有人字

据五代會要增

以其日損益率乘之 按日躔月離兩篇當有盈縮分損益朧胸諸數史皆失之後世卽有劉義叟其人者亦無從布算矣

義叟爲予求得其本經然後朴之歷大備 按義叟所得者步發歛一篇歐公已載入矣其日躔月離兩篇所言盈縮二歷遲疾二百四十八限乃推步之原義

攷異

五代史五

一

叟既盡見之而此攷仍闕而不言殆歐公厭其繁重而刪棄之耳歐公於推步一家本未究心其刊修唐史時與義叟同局天文歷志皆出義叟一手此書司天攷亦必出於義叟也但義叟於唐書告成之後旋即物故而五代史成書乃在其後十餘年不及預參訂之役遂致有不應刪而刪者使大備之典終於不備良可惜已

司天攷二

開平四年十二月庚午月有食之 按前史不書月食此書月有食之與日食同文似失小雅詩人之義

同光三年六月丙寅歲犯右執法 當云歲星後倣此
天成元年三月惡星入天庫 惡星當作客星見唐書
八傳

天福五年十一月丁丑日有食之 日當作月

開運元年三月戊子日有食之 日當作月

顯德三年十二月癸酉日有食之 此事不見於會要
据通鑑長歷是月己未朔癸酉乃十五日亦月食非
日食也

職方攷

西有岐蜀 按李茂貞不列世家而入雜傳至職方攷

仍以岐與閩蜀諸國並舉拓拔李氏世有夏綏銀宥
靜五州之地與荆南高氏同俱非五代所得而有也
既不列諸世家而職方攷亦未殊而異之皆義例之
未畫一也

北有燕晉 按梁初幽涿檀薊順營平滄景德瀛莫諸
州爲劉守光所據僭號稱燕尋爲唐莊宗所併表於
幽滄諸州但書唐而不書燕與序文不相應

而朱氏所有七十八州 按表所列梁有州八十一此
云七十八者不數金虔韶也究其實則鎮冀涇趙屬
王鎔易定屬王處直夏綏銀宥屬李仁福靈鹽屬韓

遜皆自擅其地與吳越荆湖無異然則朱氏所有實六十餘州耳

其增置之州一 謂寰州

又增置之州一 謂威州

隱帝時增置之州一 謂解州

又增置之州五而廢者三 按周增置五州謂濟濱雄霸通也其所廢之州本攷祇有景威二州據五代會要則有景威衍武秦五州與此文俱不合而表於威州下又失注廢字亦太不檢照矣河北道之秦州歐攷竟未一見惟雜傳第四十卷內屢及之

白湖南北十州爲楚 按宋史地理志建隆四年平湖南得州一十五謂潭衡邵郴道永全岳澧朗蔣辰銅溪敘也此以郴屬南漢與宋志異蔣溪等州以蠻地故略之

白嶺南北四十七州爲南漢 按宋史地理志開寶四

年平廣南得州六十以此攷校之所多者十四湖也

循也龔也恭也思唐也澄也貴也蠻也九城志作蠻

理志亦半也黨也繡也順也監本宋史禹也恐誤唐書地

作樂九城志禹州領縣四開寶五年廢州省巖石扶萊羅辯三縣入容州北流縣卽此州也 振也所

少者一郴也湖循皆嶺南名郡不應略不及之明係

史家徒漏其餘十二州或因開寶五年省併故略而不言然職方攷所列嚴春羅潘勤瀧諸州亦開寶中省併何以有書有不書也郴州唐時屬江南西道五代爲馬氏所有馬氏滅而郴入於南漢宋志建隆四年平湖南得州一十五郴居十五州之一似誤又攷唐書地理志嶺南道爲州七十三都護府一五季安南都護府及管內十一州不在南漢封域之內其餘六十二州皆南漢有也職方攷祇列四十有七而郴州不在嶺南部內化與辯本是一州英雄二州又劉漢新置實止四十三州耳其四十二州皆唐志所有

惠州卽循州所分南漢本名順州歐公避宋諱依宋
時州名名之也又潮州之程鄉縣南漢嘗立爲敬州
宋志作恭州避諱改宋初改梅州此亦攷所應列而失之者也
唐嶺南道又有義州宋初加南字太平興國初改曰
南儀至熙寧四年始省入藤州此亦南漢所有之州
而職方攷及宋志皆失舉其名又何也嶺南但有東
西兩道此攷稱嶺南北殊非其實

合中國所有二百六十八州 按表所列州凡二百八
十有五燕雲十六州入契丹景州已廢故云二百六
十八然威衍武三州周末亦已廢省實止二百六

五州耳

而軍不在焉 按五代置軍六晉置德清軍於頓邱周
置保順軍於無棣漢陽軍於漢陽雄勝軍於鳳州固
鎮又廢景州爲定遠軍威州爲通遠軍

竟

周有罷

注云罷者謂罷節度使降爲防禦州也
廣順二年慕容彥超初平故廢此鎮表於此類或云
罷軍或但注罷字於例似未盡一

青

晉有

有下當注罷軍二字開運二年以楊光遠
平降爲防禦州也漢天福十二年復舊亦當於第四
格有字下增注復字

攷異

五代史五

五

金 梁有蜀 按下文云唐末置戎昭軍已而廢之遂

入於蜀則梁代未有金州也此有字衍

唐 梁有 按天祐三年朱全忠徙州治泌陽改名泌

州此表有唐無泌蓋後唐滅梁之後復其舊耳當於
第一格有字下注泌州二字第二格有字下注改曰
唐州四字晉初又改爲泌州漢復舊名此第三格有
字下亦應注改曰泌州四字第四格有字下應注改
曰唐州四字

耀 唐有 復曰潯州 改順義 順義下當有尋罷軍三字

衍 周有 五代會要顯德五年廢爲定平鎮隸邠州

此攷失書

威 周有改曰瓊州

按顯德四年州廢爲通遠軍此失注

廢字

武 周有 五代會要顯德五年廢爲潘源縣隸涇州

此攷失書又按此表所列有兩武州一在關內兩新

州一在河東兩通州一在淮南兩雄州一在河北兩

劍州一在江南

貝 周有 此下當注罷軍二字五代會要顯德元年

降爲防禦州

鎮 晉有順德 順德當作順國

定 梁有義成

義成當作義武

滄 唐橫海

按五代會要梁乾化二年三月改爲順

化軍以張萬進歸順故也此事史亦失書

漠 漠當作莫

福 闔武威

武威當作威武今福州有唐天祐三年王

審知德政碑正作威武軍節度

朗 楚平武

武平當作永順按楚世家馬殷請升朗州

爲永順軍表張佖節度使是梁時朗州爲永順軍也

周廣順三年劉言請移治所於武陵乃升朗州爲武

平軍狀則武平二字當注於第五格周行逢之下

廣 南漢 當注清海二字

化 南漢 按唐嶺南道無化州元豐九域志化州唐
辯州皇朝太平興國五年改是南漢之世未有化州
也此攷既有辯又有化乃重複外繆之甚者

惠 南漢 按南漢析循州置禎州宋天禧五年避仁
宗諱改惠州歐史於廟諱多不回避如崔垂休馬慶
先皆直書其名而缺末一筆蓋取古人臨文不諱之
義而此州名獨追避宋諱失紀實之體矣且又有惠
而無循亦爲脫漏

曹州故屬宣武軍節度 按唐時曹州在太平軍節度

管內非宣武軍也

梁破趙匡凝分鄧州置宣化軍 五代會要開平三年
升鄧州爲宣化軍割泌隨復郢四州隸之

耀州本華原縣唐末屬李茂貞建爲耀州 按唐志京
兆華原縣天祐三年李茂貞墨制以縣置耀州

後唐復耀州改曰順義 按五代會要同光二年三月
降爲團練州至周顯德二年降爲刺史州蓋自華溫
共徙鎮之後順義軍卽廢史不書尋廢者漏也

魏州後唐建鄴都晉漢因之 按本紀同光元年以魏
州爲東京三年改東京爲鄴都此失書升東京一節

鎮州唐復曰成德 按本紀同光元年嘗以鎮州爲北
都此亦失書

晉又改曰順德漢復曰成德 按通鑑天福七年正月
改鎮州爲恒州成德軍爲順國軍五代會要亦云順
國軍此稱順德者誤也鎮州晉時嘗夏名恒州漢初
復爲鎮州史皆失書

并州後唐建北都 按本紀同光元年四月以太原爲
西京十一月以太原爲北都此失書升西京一節

潞州唐滅梁改曰安義晉復曰昭義 按五代會要潞
州唐同光元年爲安義軍長興元年三月復舊名昭

義是昭義之更名不始於晉也

福州曰武威 武威當作威武

乾州李茂貞置治奉先縣 奉先當作奉天唐志京兆奉天縣乾陵在北五里乾寧二年以縣置乾州蓋州以乾陵得名非同州之奉先縣也

磁州梁改曰惠州 按唐志天祐三年以磁慈聲一更名其時梁未受禪也

雄州周顯德六年克瓦橋關置治歸義 歸義縣本屬

涿州

霸州周顯德六年克益津關置治永清 永清縣本屬

幽州

筠州南唐李景置割洪州之高安上高萬載清江四縣
爲屬 按唐志洪州但有高安縣餘三縣未詳何特
置文獻通攷南唐以洪州高安置筠州仍置上高萬
載清江三縣隸之是三縣亦置於南唐也徐鉉重修
三清觀記保大庚戌歲詔復高安縣爲筠州析其北
鄙爲清江縣

劍州南唐李景置割建州之延平劍浦富沙三縣爲屬
按唐志建州無此三縣文獻通攷閩以建州永平
鎮置鐔州及龍津縣後州廢南唐改延平鎮俄置爲

劍州以汀州之沙縣福州之尤溪來屬與此攷異

全州楚王馬希範置以潭州之湘川縣爲清湘縣又割

灌陽縣爲屬而治清湘。按唐志潭州領縣六有湘

潭湘鄉而無湘川亦未審何時置且潭與全相距頗

遠或卽永州之湘源乎

交獻通攷晉以永州湘源縣置全州

灌陽本屬

永州

唯州南漢劉龔割韶州之保昌置。按唐志韶州屬縣

有瀆昌無保昌未審何時更名

雍丘晉改曰杞。晉高祖父名紹雍故改之

葉襄城故屬許州唐割隸汝州。按五代會要後唐同

光二年租庸使奏二縣原屬汝州今隸許州伏緣最近京畿戶口全少伏乞却割隸汝州從之攷唐志葉襄城二縣本隸汝州其云今隸許州者當是唐末或梁所改也

美原故屬同州

按唐志美原屬京兆府不屬同州

平涼故屬涇州

涇州當作原州

安陵故屬景州周割隸德州

按唐志德州安陵縣景

福元年隸景州尋復來屬是唐末安陵隸德州不知何時又改隸景州也

福州閩清

按福州有福唐縣梁開平二年改爲永昌

唐同光二年復爲福唐晉改爲福清此亦當見於攷而史失之

汧川故屬沔州 按唐初置沔州治漢陽縣以汧川爲屬寶歷二年省入鄂州故唐志無沔州之目且上文云漢陽故屬鄂州可證五代亦未立沔州矣此沔字必鄂之譌也

洛南故屬華州周割隸商州 按唐志洛南本屬商州不知何時改隸華州

秦州天水隴城唐末廢 按唐志秦州領縣六有隴城無天水

自唐有方鎮而史官不錄於地理之書 此所云史官
不錄者謂劉昫舊唐書也新史撰方鎮表於諸鎮所
領州獨詳言之蓋矯劉史之失也宋時節度不領它
州雖有節鎮之名實與諸州等耳

五代史六

廿二史攷異六十六

錢大昕學

吳世家

刺史鄭康 榮當作縻

二年取滁和州 上文有龍紀元年則此當爲龍紀之
二年然龍紀改元之明年正月卽改元大順不得有
二年也以唐書昭宗紀及行密傳證之當云大順二
年史脫兩字耳

友寧梁太祖子也 友寧乃梁祖兄子蓋脫兄字

天復二年錢鏐爲其將許再思等叛而圍之 上文已

敘天復二年三年事此因田頴之誅追述頴覺端故再舉天復二年狀亦史家失於回避之病也

瑾已殺知訓攜其首馳府中示隆演曰今日爲吳除患矣隆演曰此事非吾敢知遽起入內瑾忿狀以首擊柱提劍而山府門已闔踰垣折其足遂自刎歿此事已見朱瑾傳宜去此存彼

南唐世家

以彥能爲撫州節度使 按南唐節鎮見於五代史通

鑑馬令陸游書及徐鉉騎省集者有潤州節度使

號鎮

海軍揚州節度使

號建武軍

廬州節度使

號德勝軍

壽州節度使

號清

泗州節度使

號靜

濠州節度使

號定

鄂州節度

使

號武宣州節度使

號寧

洪州節度使

號鎮

江州節

度使

號奉

池州節度使

號康

饒州節度使

號安

撫州

節度使

號昭

虔州節度使

號百

建州節度使

號忠

泉

州節度使

號清

潤鄂宣洪皆沿唐時節鎮舊額餘皆

楊氏李氏所置又有舒州節度使其軍額不可攷偶

憶徐鉉撰撫州節度使馬希崇除舒州節度使制有

永泰全軍舒庸奮國之語疑永泰卽其軍號也又林

仁肇嘗爲寧化軍節度副使

見南昌府龍興寺銅鐘題款

此軍未

審置於何所

審置於何所

以知詢爲右統軍 吳世家作左統軍

始改名景以避周廟諱 周太祖之高大父名璟故去
旁以避之

濠州刺史郭廷謂 周本紀作濠州團練使

燕王冀爲太子 本名宏冀避宋諱省上一字

太祖皇帝之出師南征也煜遣其臣徐鉉朝於京師

按五代之臣卒於宋初者歐史皆不立傳諸傳亦無
及宋初事者唯南唐後蜀南漢東漢吳越諸世家皆
敘入宋以後事蓋欲其首尾完備故不拘限斷之例
然如宋祖荅徐鉉之語初無關於李氏之興廢自當

於宋史見之且父子一家卽當同其憂樂虧子以益父於心豈安此特一時強詞何足服李煜君臣之心不若臥榻鼾睡之言簡而當也

予讀周世宗征淮詔怪其區區擔撫前事務較曲直以爲辭何其小也按景德建康志載宋太祖詔諭敕榜文亦皆擔撫細故以爲兵端蓋詞臣代言之體白當爾爾歐公豈未見此敕邪

前蜀世家

行至興元逐節度使牛勣唐書僖宗紀作牛勣

作牛頊頊與勣同音唐書紀作牛勣

攷異

五代史六

三

唐以建爲檢校司徒成都尹劍南西川節度副大使知節度事管内觀察處置雲南八國招撫等使 此承舊史之文以本書之例言之但當云檢校司徒西川節度使也

黔南節度使王肇 本名建肇避蜀主諱止稱肇

以剡王爲鳳翔節度使 剡當作鄭唐史避武宗諱改鄭爲覃所謂覃王嗣周也

彥暉將顧彥瑤 按唐書顧彥暉傳瑤爲彥暉養子且單名瑤無彥字

武定節度使拓拔思敬 此與李仁福傳之思敬非一

人

天復四年唐遷都洛陽改元天祐建與唐隔絕而不知
故仍稱天復 按李彥威傳昭宗改元天祐遷於東
都爲梁所迫而晉人蜀人以爲天祐之號非唐所建
不復稱之但稱天復與此所云異蓋世家誤也

唐襲爲樞密使 通鑑作唐道襲其官名內樞密使蓋
沿唐之名但不用宦者耳歐史去內字而下文又有
內樞密使毛文錫

莊見素之後 顧張思曰五代世家以韋莊爲見素之
孫唐宰相世系表韋莊爲待價之後出逍遙公房見

系則出南皮公房初非同系二書皆出歐公之手而
矛盾若此

開崇賢府置官屬 通鑑作崇勳府

後蜀世家

邢州龍岡人也 按知祥爲孟遷之兄子孟方立傳稱

邢州平鄉人此云龍岡人縣名互異

前此爲中門使者多以罪誅知祥懼求它職莊宗命知
祥薦可代已者知祥因薦郭崇韜自代 此事已見

崇韜傳

莊宗建號以太原爲北京 唐本紀職方攷皆作北都

是月應聖節 五代會要明宗九月九日生以其日爲
應聖節

明日遂舉兵反 據此則知祥以九月十日反而唐本
紀以爲十月反與此不合

二年正月李仁罕克遂州夏魯奇歿之 按明宗紀及
魯奇傳俱云董璋陷遂州而璋傳及此世家俱以爲
知祥所陷又明宗紀及璋傳俱云九月陷遂州此乃
云正月其互相乖角如此

行成都尹劍南東西兩川節度管內觀察處置統押近
界諸蠻兼西山八國雲南安撫制置等使 當云東

西兩川節度使

三月唐潞王舉兵於鳳翔 唐本紀在二月

明德三年三月熒惑犯積尸 按司天攷天福元年三

月壬子熒惑犯積尸卽蜀明德三年也

劉光乂曹彬等出歸州 宋史太祖紀作劉光義此作

光乂者避宋太宗諱也宋史或作光毅

是時劉鈞尚在 東漢世家作承鈞

注蓋自同光二年乙酉 二年當作三年

惟舊五代史云同光三年丙戌至乾德三年乙丑四十

年者謬也 按同光四年歲在丙戌卽天成年此云三

年者誤也據世家知祥本以同光四年正月至成都
至乾德乙丑恰合四十年之數則舊史云四十年非
謬矣

南漢世家

父謙爲廣州牙將 唐書作知謙

是時交州曲顥 按通鑑唐天祐三年加靜海節度使

曲承裕同平章事梁開平元年承裕卒以其子顥爲

節度使其後顥子承美

五代會要
作曲美

復嗣爲節度曲氏

據交州凡三世據黎崱安南志略曲氏祇有顥承美
二世未知通鑑采自何書

邕州葉廣略容州龐巨昭 通鑑唐天祐三年以權知
寧遠留後龐巨昭嶺南西道葉廣略並爲節度使寧
遠者容州軍號也五代會要廣略巨昭二人梁太祖
末帝朝皆在使相之列

昌岌卒弟昌濬立 按下文無昌濬事惟於劉鋹大寶
八年書交州吳昌文卒通鑑後周顯德元年昌岌卒
弟昌文立宋史交趾傳亦云昌岌歿其弟昌文襲位
則昌濬與昌文似是一人今據黎崩安南志略云吳
權本楊廷藝牙將矯公羨殺廷藝而代之權起愛州
兵殺公羨權卒子昌岌立昌岌卒弟昌濬立昌濬卒

弟昌文立凡四世而爲丁部領所代則昌文實昌濬之弟相繼嗣立授受分明崩生長安南距宋初未遠所言必得其實較之正史爲可信也

顯德三年世宗平江北 按世家例書其本國之紀年此獨書顯德又不繫以周字皆史之疎也

大寶五年張以宦者李托養女爲貴妃專寵托爲內太師 按韶州乳源縣雲門山匡聖宏明大師碑大寶七年建其文云列聖宮使甘泉宮使翫華宮使開府儀同三司行內侍監上柱國李托不見有內太師之名

七年 按雲門山碑稱銀尊號曰睿聖文武隆德高明
宏道大光孝皇帝碑立於大寶七年四月則銀上尊
號當在七年以前矣歐史諸世家惟楊溥王建王衍
劉晟劉旻五人書所上尊號餘皆無之

楚世家

楊行密袁州刺史呂師周來奔 據通鑑師周之奔在
梁開平元年其時楊渥已嗣位不當言行密也

太祖拜殷天冊上將軍 按銅柱記作天策策與冊同
拓拔常爲僕射 通鑑作拓拔恒史作常避真宗諱

溪州刺史彭士然 然當作愁字之譌也李宏泉銅柱

記宋史蠻夷傳皆作士慙

遣其子師曷 銅柱記作師杲

希範乃立銅柱爲表命學士李臯銘之 銅柱記作李
宏臯史避宋諱去上一字攷劉勅攻溪州在天福四
年九月士愁乞降立誓在五年正月其五月命宏臯
撰銘七月鑄銅柱成八月鐫文於柱十二月立之柱
高一丈二尺重五千斤

希範卒年四十九諡曰文昭 五代會要希範官至守
尚書令贈太師

希廣立 希廣先爲武安軍節度副使判內外諸司事

永州團練使見銅柱記

景封希萼楚王居洪州 按景定建康志周廣順二年

卽南唐保唐江西觀察使楚王馬希萼入朝唐主留

大十年 之後數年卒於金陵諡曰孝恭

希崇領舒州節度使居揚州 以徐鉉集攷之希崇歸

唐先授撫州節度使後乃改除舒州也

王進達武陵人也 通鑑作王達

與行軍司馬何景真等 通鑑作敬真此作景疑亦避

廟諱

夫人嚴氏諫曰 通鑑作鄧氏胡三省云路振九國志

作嚴氏

吳越世家

石鑑鎮將董昌 唐書作石鏡此避宋廟諱改

鏐具軍禮郊迎館寶於樟亭寶病卒 唐書僖宗紀周

寶傳俱云鏐殺之與此異

及其將馬綽 按通鑑注引路振九國志云馬綽餘杭
人少與錢鏐俱事董昌以女弟妻鏐鏐復爲元瓘娶
綽女又引薛史梁貞明四年秦州節度使檢校太傅
同平章事馬綽加檢校太尉攷秦州不在吳越管內
蓋遙授也

元瓘立襲封吳越國王 按吳越文穆王神道碑和凝撰

題云天下兵馬都元帥守尚書令歐史失書

子佐立 本名宏佐避宋諱止稱下一字倬俶皆放此

閩世家

唐以福州爲武威軍 當作威武軍下文云李景以李

仁達爲威武軍節度使可證也

閩人以爲審知德政所致 舊唐書哀帝紀天祐三年

閩十二月己酉朔福建百姓僧道詣闕請爲節度使

王審知立德政碑此其事也

後興事敗亦被殺 按通鑑林興詐覺流泉州在昶通

文四年六月其年閏七月穰立遣使誅興於泉州世家以爲昶所殺誤也

代以季弟繼鏞 通鑑作繼鎔

延義令其子繼業 按通鑑繼業爲延義之兄子故稱新君叔父也世家脫兄字

改元永隆 按福州有崇妙保聖堅牢塔永隆中建其記稱曦尊號曰睿明文廣武聖光德隆道大孝皇帝
世家失書

程贇守漳州 通鑑作程文緯

南平世家

攷異

五代史六

十

追封季興楚王諡曰武信 季興諡武信上文已見此
重出

東漢世家

潞州李筠遣穆令鈞 通鑑作令均

顯德元年 世家例書本國之紀年此不書乾祐而書
顯德亦與例不合

明年十一月卒 按年譜旻卒而承鈞立即於顯德元
年而此云明年者蓋據五代舊史周世宗實錄運歷
圖諸書謂旻卒於二年冬二文自相矛盾攷遼史穆
宗應歷五年十一月乙未朔漢主崇祖即顯德二年

也則當以世家爲正通鑑書旻殂於顯德元年十一月蓋承歐史年譜之誤

承鈞立十三年病卒 按宋史承鈞卒於開寶元年戊辰此云立十三年者蓋據世家承鈞以周顯德二年乙卯冬嗣位其次年丙辰爲卽位之始年至戊辰恰十三年也然則年譜云旻卒於顯德元年者未足信矣李惲天龍寺碑稱承鈞爲睿宗皇帝史失書

生子繼元 按天龍寺碑云今英武皇帝天會中出閤授檢校司徒歸義府都督罷解公府特恩加檢校太保右金吾衛大將軍充大內都點檢此繼元在承鈞

之世所授官也又云口口皇帝踐祚加檢校太師行
太原尹尋領侍衛親軍事則在繼恩之世矣

一爲迎繼元而立之 按天龍寺碑云值倉卒之變震

駭非常上獨執雄斷入平內難時戊辰秋九月嗣昇

宸極蓋繼元以天會十二年嗣位卽宋開寶元年也

遺孽者范超圖殺郭氏 按天龍寺碑稱宣徽北院使

永清軍節度使檢校太保范超蓋超自是遂任用矣

繼元立改元曰廣運 按天龍寺碑後題廣運二年歲

在乙亥而其文云上御宇之八年乙亥歲於正殿受

冊英武皇帝則是繼元卽位之始猶承天會之號至

七年而改元也

楊夢申撰劉繼顯神道碑云天會十年今皇帝踐祚之初年也十七年

繼顯卒未題廣運元年歲次甲戌與天龍寺碑正合又攷遼史景宗保寧五年

十二月漢將改元遣使稟命其年歲在癸酉則廣運改元在甲戌歲正史有明徵矣契丹冊繼元爲英武皇帝亦見天龍寺碑而史失書

十國世家年譜

獨得其封落星石爲寶石山制書稱寶正六年辛卯則知其嘗改元矣 洪邁容齋四筆云王順伯收碑有臨安府石屋崇化寺尊勝幢云時天寶四年歲次辛未四月某日元帥府府庫使王某又明慶寺白傘蓋

陀羅尼幢云吳越國女弟子吳氏十五娘建天寶五年太歲壬申月日題順伯攷其歲年知非唐天寶而辛未乃梁開平五年其五月改乾化梁以丁卯篡唐武肅是歲猶用唐天祐次年自建元也錢唐湖廣潤龍王廟碑云錢鏐貞明二年丙子正月建新功臣壇院碑封睦州墻下神廟勅皆貞明中登聖寺磨崖梁龍德元年歲次辛巳錢鏐建又有龍德三年上官詩是歲梁亡九里松觀音尊勝幢云寶大二年歲次乙酉建衢州司馬墓誌云寶大二年八月歿順伯案乙酉乃唐莊宗同光三年其元年當在甲申蓋自壬申以後用

梁紀元至後唐革命復自立正朔也又水月寺幢云
寶正元年丙戌十月具位錢鏐建招賢寺幢云丁亥
寶正二年又小昭慶金牛碼頭等九幢皆二年至五
年所刻貢院前橋柱刻寶正六年歲在辛卯造狀則
寶大止二年而改寶正寶正盡六年次年壬辰有天
竺日觀庵經幢復稱長興三年八月用唐正朔其年
三月武肅薨子元瓘以遺命去國儀用藩鎮法狀則
吳越有天寶寶大寶正三名歐陽公但知其一耳予
謂容齋據王順伯說攷定吳越三改元旣精審矣其
云丁卯歲猶用天祐號則未然攷越州崇福侯廟記

題開平二年則其時武肅亦用開平之號而卽於是年自建元也寶正之號當蓋於七年至三月以後文穆嗣立乃去寶正號而稱長興耳

四夷附錄一

契丹 以其所居橫帳地名爲姓曰世里世里譯者謂之耶律 按耶律亦作移刺譯音之轉也世與耶聲不相近疑當爲也字也里與耶律正相轉

名年曰天贊 按遼史太祖初建元神冊盡六年乃改

天贊

立其次子元帥太子燿屈之 遼史作堯骨

德光立三年改元曰天顯 據遼史太祖改元天顯其
年崩而德光嗣之卽承天顯之號此云立三年改元
者誤也

於鹽溝置良鄉縣 後唐置良鄉三河兩縣職方攷失
書

吾命大相溫從爾渡河 相溫卽詳穩也

德光遣中書令韓頰奉冊高祖爲英武明義皇帝 據
遼史是時冊使乃中臺省右相耶律述蘭迭烈哥及
節度使趙思溫也與此互異

德光將高牟翰亦詐以瀛州降 遼史作模翰模牟聲

五
相轉

諡德光爲嗣聖皇帝

按遼史太宗卽位卽上尊號曰

嗣聖皇帝非諡也

四夷附錄二

麻荅者德光之從弟也德光滅晉以爲邢州節度使兀

欲立命守鎮州 宋白曰麻荅本名解里阿保機之

從子也其父曰撒刺歸梁歿於汴

見通鑑注

予攷遼史無

麻荅傳而有耶律解里傳然解里世爲小吏則非德

光從弟且亦無鎮邢州守鎮州事惟耶律拔里得傳

稱太祖弟刺葛之子太宗入汴以功授安國軍節度

使總領河北道事師還州郡往往叛以應劉知遠拔
里得不能守而歸世宗卽位遷中京留守卒安國軍
卽邢州中京卽鎮州則麻荅卽遼史之拔里得與解
里初非一人矣遼史皇子表刺葛神冊二年南奔爲
人所殺薛史亦云麻荅父薩刺阿保機時自蕃中奔
唐莊宗尋奔梁莊宗平梁獲之磔於市與宋白說略
同但一云撒刺一云薩刺一云刺葛其名小異耳撒
薩聲相近

燕王述軋與太寧王嘔里僧等率兵殺兀欲於大神淀
按遼史弒世宗者泰寧王察割也述軋與察割聲

相近秦寧王卽察割之封號其時封燕王者爲牒蠟亦以黨逆伏誅無名嘔里僧者攷之逆臣傳其時有六院大王耶律朗字歐新以持兩端伏誅當卽此所云嘔里僧也嘔里僧通鑑作漚僧皆歐新之轉兩史所述封爵互異蓋五代史得於傳聞不如遼史之可據也大神通鑑作火神胡三省引宋白云火神淀在新州西遼史世宗紀次歸化州祥古山遇弒歸化州卽唐之武州去新州不遠也遼改新州爲奉聖州遼之上京亦有大神淀與此非一地

德光子齊王述律 按遼史述律封壽安王無封齊王

之文

嶠與部曲東之福州福州翰所治也 遼史地理志上

京道有福州國舅蕭寧建南征俘掠漢民居北安平
縣故地西北至上京七百八十里

東行過一山名十三山 遼史地理志東京道顯州有
十三山

過衛州有居人三千餘家乃契丹所虜中國人築城而
居之 按遼史地理志未見衛州之名上京道有涓
州中京道有惠州音皆相近

四夷附錄三

奚 常採北山麝香仁參 仁參卽人參

達靺 咸通中從朱邪赤心討龐勛其後李國昌克用

父子 國昌卽赤心賜名也此文似誤以爲二人

吐蕃 自梁太祖時嘗以靈武節度使兼領河西節度

按韓遜傳云唐莊宗時以洮兼河西節度與此不

合

南詔蠻 遣大鬼主傳能何華來朝貢 五代會要作

傳能阿花

又以大渡河南山前印州六姓 印當作耶

占城 遣使者蒲訶散來貢 五代會要作甫阿散

續